

AD ANNAM KOMORNICIAM CARMEN GRATULATORIUM

Anna, Musarum studiosa cultrix,
Integer iudex Heliconiarum
Quam tibi gratam magis autumarim
Aut magis almam?

An poli sanctae siderum patronae
Te sibi ascivisse libet serenae?
An chori turbae citharaeque honestae
Docticanaeque

Praesuli? Forsan tenerae Thaliae
Aut gravi Clio cupis, aut Camenae
Grandis heroique operis probari
Dulcis amica?

Sed quid insanus rogitem, sororum
Cui magis tete aut rear esse sacram,
Aut magis caram, studiis celebrem
Qui bene noscam

Te frequentantem sacra litterarum
Teque adorantem ingeniosa vatum
Orsa mystarumque Aganippeorum
Carmina docta.

Sint tibi gratae, tibi quae laudantur,
Sint tibi dulces Heliconis alti
Virgines, prosint studiorum in ausis
Perficiendis.

Systemate Sapphico minore
composuit

Mieczislaus BROSCIUS

Cracoviae Polonorum